

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀԻ ՇՆՈՐՀԱՎՈՐԱՆՔՆ ԱՆԿԱԽՈՒԹՅԱՆ ՏՈՆԻ ԱՌԹԻՎ

21.09.2016 00:10

Սիրելի հայրենակիցներ,

Մենք տոնում ենք մեր հանրապետության անկախության 25 ամյակը: Արմատական փոփոխությունների, սկզբունքային, հիմնարար ինստիտուտների կայացման երկուսուկես տասնամյակ, ինչը լի էր ոգևորություններով և վերապահումներով, հուսահատության պահերով և դրանց դիմակայելու պատրաստակամությամբ: Պատմության համար 25 տարին ակնթարթ է, առավել ևս նոր կազմավորվող, հինից վատ ժառանգություն ստացած, աշխարհաքաղաքական ոչ բարենպաստ դիրքում գտնվող երկրի համար:

Այս տարիները լուրջ փորձաքար էին մեր ժողովրդի կյանքում, մեկը մյուսին հաջորդող դժվարությունները, արտաքին մարտահրավերներն ու իրական պատերազմական իրավիճակում գոյատևելը թրժեց մեր ժողովրդի ամուր կամքը, կարևորեց միասնաբանության անհրաժեշտությունը և հուշեց անկախության գինը...

Այսօր էլ քիչ չեն դժվարություններն ու վաղվա օրվա հանդեպ անորոշությունը, հանգամանքների թելադրմամբ, ցավոք դեռ վերացած չէ: Սա ապացուցեց նաև Արցախի քառօրյա պատերազմի մեր արագ ինքնակազմակերպումը, սերունդների համերաշխության կայծակնային հակագրոհը՝ հանուն անկախության և ապագայի: Անկախությունն իր հետ բերեց նոր մոտեցումներ և առողջ ու անկաշկանդ մտածելակերպ: Անկախության սերունդը 25 տարեկան է՝ իր իրավունքներն իմացող, չարը չհանդուրժող, բարու կարևորությունը գիտակցող:

Ուրախությամբ պետք է փաստել, որ փոխարինելու է գալիս նոր մտածելակերպ ունեցող անկախության սերունդը՝ թարմ մոտեցումներով և նոր շնչով: Որպես Հայաստանի Հանրապետության փաստաբանների պալատի ներկայացուցիչ, չեմ կարող գոհունակություն չհայտնել փաստաբանների շարքերը համալրող մեր երիտասարդներից: Փաստաբանական դպրոց են ընդունվում ու փաստաբանի որակավորման քննությունները հաջողությամբ են հանձնում շատերն, ում խորթ են խորհրդային կարգերի արատավոր երևույթները, ում համար մերժելի են կոռուպցիոն դրսևորումները և ովքեր չեն կարող պատկերացնել, թե ինչ է անկախ չլինելը: Նրանց համեմատության եզրերը առաջադեմ երկրների օրինակելի փորձն է, նշածողը՝ առավել բարեկեցիկ ու անվտանգ երկիր ունենալը...

Շնորհավորում եմ բոլորիս Հայաստանի Հանրապետության Անկախության տոնի առթիվ՝ մաղթելով առանց կորուստների մարտունակ բանակ, կայացած և անկախ դատական համակարգ, լիարժեք գործող պետական ինստիտուտներ, խաղաղ ու բարեկեցիկ երկիր: Թո՛ղ բոլորիս հաջողվի հպարտությամբ կրել ԱՆԿԱԽ ԵՐԿՐԻ ԼԻԱՐԺԵՔ ՔԱՂԱՔԱՑՈՒ ԱՐԺԱՆԱՊԱՏԻՎ ԿՈՉՈՒՄԸ...

Արա Զոհրաբյան

```
Վերադառնալ $(window).load(function(){ if(typeof $(".fb_comments_count").html() != "undefined" && parseInt($(".fb_comments_count").html()) != 0){ updateCommentsCount(window.location.href); } })
```